

Tud ar vro - Bro Leon
Roll kanaouennoù – Gavotenn Goueled Leon

Biskoazh n'em boa kement c'hoarzh

Biskoazh n'em boa kement c'hoarzh
Yoppala kamenbre
Evel digwener tremenet
Yoppala kamenbre la Yoppala kamenbre

Gwelet ar c'helien o tornañ
Hag ar c'hwibu o tibellañ

Ar c'hazh oc'h ober tro al leur
Peder logodenn ouzh e heul

Me 'm eus gwelet ur pezhad gad
O pourmen gant he botoù-koad

Ur perukenner war he zro
O lemel dezhi he barv

E-touez an traezh hag ar bili
O teskiñ neuñ d'an houidi

Me 'm eus gwelet ur c'hefeleg
O plantañ pour en ur garreg

Pa oan o tremen Kastell Paol
Gwelet un tourc'h o plantañ kol

Me 'm eus gwelet ur pezhad ki
Oc'h evañ gwin en ostaleri

Memes Fidèle a lavare
Me am bezo eus "douze degré"

Met ar Médor ne rae ket forzh
Eus an "douze" pe ar "c'hatorze"

Gwelet ar bleiz o prenañ per
Hag al louarn o werzhañ yer

Me 'm eus gwelet ur gazeg wenn
Sonn he lost ganti war he fenn

Me 'm eus gwelet ur seurt marvailh
Ur plac'h yaouank en ur voutailh

Me 'm eus gwelet un annoar vloaz
A zouge Kemper war he skoaz

Ha Landivizio war he lost
Ha c'hoazh ez ae ganto d'ar post

Wel't ar biniou gant ar person
E-barzh ar gador o sermon

'Benn ur pennadig, goude-se
Wel't ar vombard gant ar c'hure

Hag ar c'hloc'her gant ur bladenn
O tougen chistr d'ar sonerien

'Wel't an 'ni gozh o ribotat
Serret ganti he daoulagad

Seitek pe driwec'h logodenn
Lammet er ribod war o fenn

Ar mevel 'lavar d'ar vatezh :
Sach war o lost ma teuint er-maez !

Me 'm eus gwelet ur gazeg wenn
en ul lanneg o kribañ he fenn

Ganti ur morzhol da lazhañ laou
Ha tout an dra-se n'eo ket gaou !

An istor-mañ droc'h penn da benn
Ne vo ket faos da virviken !